



Inatsisartunut ilaasortaq,
Mariane Paviasen,
Inuit Ataqaṭigiit
Maani/

§ 37 naapertorlugu apeqqummut nr. 2022-219-imut akissut

Inatsisartut suleriaasissaanni § 37-mi imm. 1 naapertorlugu Naalakkersuisunut raajartassiissutinut tunngasumik apeqquteqarputit.

Apeqquq suliaasaqarfigisannit akineqartussanngorlugu innersuunneqarpoq.

1. Naalakkersuisut kujataani raajartassiissutinik agguassinissamik neriorsuuteqarsimappat?

Akissut: Naamik.

2. Naalakkersuisut kujataani raajartassanik agguassilersaarpat?

Akissut: Naagga, Kitaani raajarniarneq Pisassiissutit Niuerutigineqarsinnaasut Nammineq Pigisat (PNNP) tunngavigalugit aqunneqarpoq, taamaattumik aalisartut pisassiissutit ilaannik piginnittuupput. Taamaattumik inatsisit naapertorlugit raajartassiisoqarsinnaanngilaq, pisassiissutit aalisartunit pigineqarmata. Pisassaasa ilaannik arsaarneqarpata Pinngitsaaliissummik pigisanik taarsiissutitalimmik pigisanik piginnikkunnaarsitsinerussaaq. Raajarniarnermut peqataarusuttut pisassiissutinik pisissapput.

a. Appiuppat, suliaq sumut killippa?


3. § 37 naapertorlugu apeqqummi nr. 118-mi Naalakkersuisut ima akipput:
“Kujataani aalisarnerup piniarnerullu ineriartortinnissaanut tunngasunik iliuuserineqarsinnaasunik Naalakkersuisut maannakkorpiaq suliaqartitsipput.”
Pilersaarutit taakku qanoq maanna siuarsimatigilerpat?

Akissut: Naalakkersuisut Kujataani aalisarnermik piniarnermillu ineriartortitsinissamut suleqatigiissitamik pilersitsipput, taannalu ukunannga ilaasortaqarpoq; Kommune Kujalleq, Innovation South Greenland, KNAPK, tunitsiviit najugaqarfinnilu aalisartut piniartullu kattuffiinit sinniisut.

Suleqatigiissitaq aalisarnermik piniarnermillu ineriartortitsinissamut suliniutissanik assigiinngitsunik siunnersuusiussaaq. Naalakkersuisut sulinerminni aalisartut piniartullu pisariaqartitaannik tusarnissartik pingaartippaat. Taassuma saniatigut aningaasanut inatsimmi konto 50.01.20 aqutigalugu ineriartortitsinissamut suliniutinut qinnuteqaatit suliarineqaleruttorput, Naalakkersuisullu aalajangiuppaat 2022-mut aningaasat Kujataani Tunumilu suliniutinut atorneqassasut. Inatsisartut 2023-mut aningaasanut inatsimmi konto 50.01.20, Aalisarnermik ineriartortitsineq, 1 million kr.-nik

ilassuteqarfigaat, taakku aningaasat amerlanersaat Kujataani Tunumilu
ineriartortitsinissamut suliniutinut atorneqarnissaat pilersaarutaalluni.

Inussiarnersumik inuulluaqqusillunga



Karl Tobiassen

Aalisarnermut Piniarnermullu Naalakkersuisoq